

Nguna teknologi elektromagnet dalam eksperimen tanah liat

“ Buah penemu ke dipejurai ulih ngujungka bala pakar pemansik nyediaka timbal dikena mutarka penanggung ke meri penguntung ngagai menua. ”

Pehin Sri Haji Abdul Taib Mahmud
Kepala Menteri Sarawak

KUCHING : Eksperimen (pekara uji) ke besai-besai ngagai sesebengkah bidang ulih nulung meri penemu ke beguna dalam nentuka pekara prototaip.

Kepala Menteri Pehin Sri Haji Abdul Taib Mahmud madah, nya alai beguna amat injinir ngaga mayuh eksperimen dikena nentuka gaya tanah liat.

"Teknik inovatif makmal, model fizikal enggau lumur, teori analitikal enggau model jujuk siti ari chara baru dikena injinir nentuka bansa tanah liat," ku iya.

Iya madah munyi nya rambau bejadi Seminar Injinir Tanah Liat Entarabansa 2013 ke diatur Universiti Tun Hussein Onn Malaysia (UTHM) ditu kemari (Hari Dua).

Iya madah, rambai jaku ke dikena iya nya "Cabaran Kejuruteraan Tanah Lembang dan Penyelesaian Yang Mampan" endang manah amat laban ulih dikena beratika enggau silik senentang tanah liat.

Iya madah, buah penemu ke dipejurai ulih ngujungka bala pakar pemansik nyediaka timbal dikena mutarka penanggung ke meri penguntung ngagai menua.

Jaku Pehin Sri Taib dibacha Menteri Infrastruktur, Pemansang enggau Komunikasi, Dato Sri Micheal Manyin Jawong.

Taib pechaya seminar nya deka ngujungka sida tetemuka pekara ti baru lalu penguntung pulau ngagai penguntung rayat enggau menua.

"Tu terang amat mandangka ngagai kitai nengah eksplorasi enggau pengawa bekunsi penemu, dalam bidang ke ditumpu baka senentang tanah liat," ku iya.

Iya madah, asil ari pekara nya ulih ngadaka rebak baru ke bepenemu sereta tau nulung ngemansangka menua dudi hari ila.

Nangkan ke nya, Penulung Chanselor UTHM, Profesor Dato Dr Mohd Noh Dalimin madah, tuju aum nya diatur dikena bekunsika penemu antara universiti, agensi perintah enggau industri ke besangkut paut enggau pangawa pemansang ke digaga ba atas tanah liat.

Iya mega madahka, dalam program-program akademik ke



TEKNOLOGI ELEKTROMAGNET ... Dato Sri Michael Manyin benung mendingka penerang ari Kepala Palan Elektromagnet (EMC) UTHM, Prof. Dr. Mohd Zabar Mohd Jenu, pengudah ngarika Kepala Menteri bejadi Seminar Injinir Tanah Liat Entarabansa 2013 (SEIC'13), ba sebengkah hotel tebilang ba Kuching. Bela bisi dipeda Penulung Chanselor UTHM, Prof. Dato' Dr. Mohd Noh Dalimin enggau Pengarah JKR Sarawak, Zuraimi Sabki. • FOTO: AWANG KUSHAIRY JUNAIDI

diatur baka nya endang dikena meri penemu ngagai bala pesereta senentang pamar enggau penyulut ke dijapai dalam

bidang injinir tanah liat.

Kelimpah ari nya, iya madah tuju ngemansutka belanja dikena bejalai aktiviti-aktiviti paman-

sik ke besangkut paut enggau injinir tanah liat.

Berebak enggau aum nya, bisi 220 iku pesereta ngambi

bagi lalu 62 bengkah keretas kereja deka dipejuraika nyerumba seminar ke diatur pengelama dua hari nya.